


五  
1413



如皋縣志序



邑之有志其人其事率從  
同歷千古不易者也然上  
下今昔所謂人與事亦復  
遷流變化如樞廻輪轉靡

有紀極故在天有不可踰  
之數在地有不可遏之勢  
在人有不可挽之情官斯  
土者雖盡其在人終不能  
強天地以從我而遂其子

惠元元元之意此固事有難  
齊非盡與民淡焉淡焉而  
作秦越觀也卑之志自明  
萬曆戊午以後不復修者  
於茲六十餘年矣時值

會典纂修庀料郡邑乘  
上檄羽下須志若渴則邑  
之志卽國之史也邑之志  
不詳則國之史亦不備余  
用是惴惴焉恐隕越于下

以貽簡册羞爰乃延訪夙  
儒許納陞余璿丁確石巒  
等誠吉開局進諸子而咨  
曰爾其執筆從事無或濫  
卽于荒無或畧卽于陋無

或泥在燧而膠乃遺事無  
或作聰明而陳蹟是務去  
無或遺世為以備斥其所  
不知無或一而德亂貞邪無  
或私附流樂以市恩無或

匿宿怨心以毀持其毀譽  
子乃唯唯而請曰敢不敬  
聖夜以奉命于執事各洗  
心一志而後成其萬曆  
戊午以前

為穿鑿甚矣。明神宗益至戊午以後，其時雖幾凡兩窮，晦朔屬彙，上于余，余擇其要領，訂確論，次之第。此六十餘年中，所謂今昔一轍。

任天為星，在野在地。城為山川，古亦有人。為

聖世耳。其夫湯江之區，滄漭。考其蔡麻，亦以不著。少辨，其不一，遺六丁餘年。而丹漲，婁

易如此豈非...  
過而工與人...  
如何者哉至...  
學校祠祀之...  
其體統同然...  
或踵而...  
其地同

或...  
而節...  
以經營佐...  
古之一不逮...  
亦人事之不...  
得...  
然者也况乎...  
變...  
儉薄民情...  
日偷江河愈...  
下豈人所能

挽乎外此魚鹽耕桑之產  
官人弊吏之法其耗息何  
損皆不可執一而論又何  
能使官所上者盡知上能  
良居斯上者請知古賢之

而文章事功可以經緯天  
地範圍人紀哉此志雖同  
而志六十年以後之志與  
志六十年以前之志之不  
可同日語也余爲之會其



同以歸于同則圖書猶昔  
得表猶昔也爲之析其異  
以歸于同則謹其禮祥可  
以知天心之順逆稽其墳  
以知地宜可以知地道

心術長察其習尚核其品  
請商者述可以知人事之升  
降也其流連往覆不敢輕  
置者曰賦役重經國也曰  
海防備不虞也此又古今

之大同而不得不審其或  
異者也至開身伊始累牘  
以表章文行爲其祖父請  
無虛日而立節敦孝誼者  
又莫不曰小人有好其詞

篤其色情以悲余亦憫其  
誠不忍槩斥而坐之門外  
然旣亦克符輿論此又慕  
義向善之一端可以軼于  
今進于古而將爲一古今

大同者也是余之所能爲  
者人所不能爲者自天而卒  
此以志畢意也志成  
史館俾其人其事採摭  
資則邑之幸也


勞也余何力之有焉

皇清康熙二十一年癸亥

孟秋穀旦

賜進士出身文林郎知如

阜縣事楚定黃盧縑畫於  
邑署之退思堂



元刻

歷來修志俱係窮年累月次第纂輯乃不全書今  
奉 檄刊迤一月內外屬彙錄真倉卒并舉考核  
既未精詳字句更難追琢註漏已多固陋不免

邑志之修原爲

會典取材

功令所關不得不其難其慎如忠孝節烈等事必會  
經具 題優卹旌表者方准入志其餘一槩不錄  
間有一二茹苦守貞或以家居僻壤一時採風偶  
遺及事久論定追美莫及今果輿論僉同諮訪更

真者從公酌入匪惟闡揚幽隱亦以振厲風俗

一賦役上係國儲江海實關武備凡節年丁糧損益

與墩臺增減俱細加查勘務使始末瞭然不敢草

率第告成甚勉全書之外尚有餘緒未議切中地

方久遠利病者不克遽抒當俟續裁

一志以傳信自萬曆戊午以後廢弛不修迄今六十

有六年矣時遠人淹文獻難徵多有遺漏姑俟採

訪增入以補不逮

一舊志以武弁之特出者附入循良顧名思義終有

未合雖文武弁重然經緯各異今俱摘出與各武

職姓名錄列海防之末以示區別

一舊志以應封贈人選舉之後雖蟬聯併及義不相

妨但選舉以身貴地封以子榮事屬霄壤况錫類

推恩存沒蒙休自應特為表章另列一則用光盛

典

一舊志秩官止以循良立傳而廢棄者令取蹟累纍

言人人殊無登傳內因屬淫美竟者稱端又為沒

善今於循良之外另增秩官一傳更有治平第一

媲美卓著者置之循良其次有事堪節取足垂永

久者載之於循良傳是其在人取論不掩而止載姓

名者其大畧可知已

一生而例不立傳者且之詩家且十古而人品之  
立難保初終也中名賢頌上彬彬蔚起指不勝屈  
卽有文章政蹟赫火沙氏與孫翰高瞻望重鄉國  
者未詳蓋棺似難論之然表表邑里又難終掩  
舉以頌其風雅善也一文字者甚衆家富著作人懷  
以子廣搜得採定雖有餘志內據取詩文最爲簡  
嚴雖有善書風雨旬泣鬼神而于邑利害無關係  
樂不屬清議不敢載也古山之樂日異其美其  
虛傳如其人然有所尚不謂亦從附人

一舊志食貨搜取爾雅本草諸書考證精確誠屬苦  
心但邑中物產所在都有似宜無容縷析徒繁梨  
棗今悉刪除註解止存品彙條目前賢應佛罪我  
一舊志所載揚州賦爲宋邑人王觀所撰今府志訛  
刻高郵孫觀將使後世訛傳沒其先達特爲辨正  
如芍藥一譜又爲王觀所撰公繫邑名賢恐遠而  
就湮存諸志中似或可久

一別錄所載本屬細瑣以事出閭閻耳目相沿其于  
警醒提撕或尤易入故并識之不辭贅疣

如臯縣志凡例終

如臯縣志目錄

卷一

輿圖

建置

星野

卷二

疆域

山川

卷三

城池

公署

卷四

古蹟

風俗

卷五

賦役

卷六

食貨

卷七

學校

祠祀

寺觀附

卷八

海防

江防

卷九

秩官表

卷十

選舉

地封

卷十一

循良

秩官傳

卷十二

名達

文學

武勳

忠節

孝友

隱逸

列女

獨行

方長

方外

流寓

卷十三

疏

記

卷十四



傳 序 墓誌

卷十五

賦 芍藥譜

卷十六


詩 雜錄



如皋縣志卷之終



如皋縣志卷之一


輿圖

淮海輿圖雷封百里金湯蜿蜒江河表裏緯武經  
文煥茲都鄙攬勝繪形倣古圖史志輿圖












學地



學地



海南

秦營

大河營

東海

北坎

高坎

長沙

古灶

唐家莊

北海

海門縣

方前港

范公堤

方前墩

蟹十港

正塘場

南孫港營北

豐利場

唐家墩

尹家墩

白灘墩

豐利墩

沙魚窪港

灣港

甜水港







明嘉靖以前圖



常熟縣

長江

崇明縣

海門縣

通州

通州入江

如皋漕田州入江

如皋界


白蒲鎮

如皋縣

濕港場

馬塘場

曲利場



江陰縣

靖江縣

長江

竹排嶺

學湖山

石庄

北三十里


泰興界

泰興縣

萬曆年間冊日圖



天啟崇禎復漲圖



常熟縣

崇明縣

通州

長江

塔防營

旱地

阜浦鎮

丁堰鎮

如臯縣

蘆港場

東

豐利場

馬塘場



江陰縣

南

俱歸齊江

俱歸齊江

俱歸齊江

西

孤山

庫河小

田

泰山縣

崇禎起 三順治 十一年 漢連圖

北

論曰城郭之所倚疆域之所限與臨民則有署教民則有學數者缺一遂不可圖而象之固宜他若濱海之區素無崇山峻嶺自障蔽明湯和經營海上築土堡掘港後因之選將置衛立墩臺厲卒伍海患以寧今雖兵制沿革少殊其當日綢繆所自出亦正未可泯也

建置

沃壤平原吳越唇齒建官置邑晉代伊始地分廣陵用正疆理挹彼高深以流以峙志建置

禹貢揚州之域

春秋屬吳越滅吳盡以江北地至泗上與楚

戰國屬楚

秦隸九江也

漢置廣陵縣臨淮郡

按地理志當是海陵之

後漢置廣陵縣徐州

晉武帝義熙七年分廣陵為五縣始置如臯屬山陰

許南兖州

宋孫尚海陵郡徐州

尚屬海陵郡徐州

屬有

尚

九都

省入海陵又

淮南道

如臯場屬揚州

大十子復陞 屬泰州

以邗

隸揚州路轄淮東道

稱揚州府

如臯縣屬泰州隸揚州府

東臯 以地居廣 考春秋為邰 魯哀公十二年

邰發陽也廣陵海陵 漢為興 郭璞江賦鼓洪

發縣亭今立發 漢為興 郭璞江賦鼓洪

在 吳有邗溝亦稱邗水 吳王濞開濞黃

大夫御婦如臯射雉 一 帶引濞邑名不知晉大夫無

如臯縣志 建甯 隋為寧海 隋開皇初 惟稱雉臯者非 志據

亂歲者嚙之嘉靖中陳公大壯  
來署邑集特設其祠長是

論曰禹鑄九鼎辨九州星羅於州者均統焉舉揚州  
地邨之會列於春秋者尤著秦漢而降創邑於晉鎮  
於唐場於吳分合沿革代雖不一轍其隸皆屬於吳  
分土置邑邇所由來遠矣

### 星野

居民度地覆載氤氳俯察泉壤仰觀天文雲漢  
流實惟古即聿求星紀斗次牛分志星野

天文星紀之次揚州之分

爾雅以斗牽牛為吳分

漢書天文志斗江湖牽牛婺女揚州

後漢書星紀起斗十一度終女七度為吳越分

魏志陳卓言郡國所入宿度廣陵入牛八度

入志揚州入牛一度

斗十一度至須女七度吳越分

漢下流營淮海間為吳分

南第六星曰吳越

揚州分

度屬揚州分

第一星曰揚州

極

吳越

五

宿屬牽牛星

次舍屬星紀

祥異 附

宋文帝元嘉十二年夏大水十九年旱二十一年又旱

吳武帝元元年旱饑

陳文帝天嘉十四年秋江水赤如血東盡於海

太皇太后

太宗雍熙元年大水

真宗咸平元年旱復饑二年復饑大中祥符四年

仁宗天禧元年七月蝗天禧元年四月六

景祐元年大水

英宗治平二年大水明道元年饑二年復饑慶曆四年



如身... 春旱皇祐... 傷稼

神宗熙寧... 八年饑

宗元... 八年水

宗大... 五年饑

高宗紹興... 十八年饑二十六年

秋蝗為驚食盡淮徐以北皆然詔禁捕鷺二十八年大

水三十二年

孝宗隆興二年霖雨害稼饑乾道三年秋霖雨田禾多

人皆熙三年積雨損稼饑七月大蝗日捕數十車

把江五年黑鼠食禾歲大饑六年

良草木七

饑八年旱九年秋大蝗十年旱蝗害稼

光宗紹熙三年饑

寧宗慶元五年大水民皆乏食開禧二年饑嘉定元年

大饑斗米二千死者十三四二年春大饑八年春旱夏

蝗食草木皆盡十一年旱無麥十六年大水無麥禾

理宗淳祐六年六月... 蔽天

德祐二年人饑人相食

元... 十八年饑

成宗大德二年江水... 高四五... 沒廬舍人畜無

真光十蝗

武 至大元年大饑

仁宗皇慶二年八月海冰溢

定帝泰定二年大風海溢

天曆二年四月天旱饑

順帝定二年八月江水一

然易 順帝復 故

太祖洪武二年 堤堰窳丁溺死

算二十五年天

宗宣德二年 蝗為所食五年大饑

英宗止統三年 災五年大旱九年江漸泛溢十月

天順元年

景泰五年五月大雪竹木多凍死七月復大雪

三尺海濱亦凍結草木萎死六年水七年旱蝗

意 二年旱三年七月海冰溢六年

七年大饑人相食二十年

八年旱二十年

以治 四年春 六年秋大旱 十七年大饑

十八年 九月

年 一本百 者八年旱自

月九年旱十二年大水無麥禾十三

氏多...十五年水大饑

不...元年七月二十五日震雷大風雨江海暴溢

折死者數千人二年大旱自正月至六月不雨

民饑人相食父子有自賊害者五年旱無麥七

年夏旱秋大水八年水七月飛蝗蔽空積地厚數寸

蟭滿民廬九年秋有蝗冬雷雨水十年夏蝗蝻生十

一年水十二年溢雨傷禾十四年大旱蝗十八年秋閏

七月海水驟溢二丈餘民多漂溺死十九年旱蝗秋大

水傷稼二十年春大水夏旱蝗九月雨水二十二年雷

火光迸地三十年安定鄉獲白兔三十二年丁

堰鎮地生白毛長二三寸

時有倭變唯丁

堰再受蹂躪三十二年大

旱疫三十七年秋大水害稼壞官民廬舍無數三十八

年大旱疫三十九年大饑民食草木四十年大水四十

一年江寧鄉獲白兔

穆宗隆慶二年春地震三年大水海溢高二丈餘城市

街衢皆以舟行人民淹死無算四年蝨

神宗萬曆元年野...二年大風雨江潮漂溺死者

甚衆三年大旱...六年雨水大水十年秋大

風拔木十六年大饑疫二十年產芝二本

孫承芳二十

一年雨黑黍地震自北而南二十四年大水二十五年

水... 怒揚濤經時乃合父老以為水嘯 二十

六年春靈雨無麥二十七年產紫芝二本俱高尺餘家焦

莊粘竹復生新泰令李上林池畔插竹扈魚忽生二十

九年春大水傷麥東鄉產金筴一株長五六寸生草澤中夜時

有光鄉人怪之入市以小銀工遂為工人易去三十年秋大水多魚三十五年

又旱無禾秋甘露降三十六年大水三十七年二月河

水澄清三日自東陳至界牌七八十里九月復清止城外孕婦產子無

頭有四目著胸前豐樂橋北民家三十九年僵樹大作人言匪

有斫得墓樹者置西城下中四十年大水東鄉獲白雀氏

一大樹忽作人言賽之而止鄉民陳一心開地中啐啐

四十一年甘露降地出獾羊作聲視之一孔僅可容

掘土二尺得雨犬長三寸四十二年八月雨雹傷稼九

許儒需龍動疑即獾羊也四十四年夏旱八月甘露降十一月

月雪四十三年夏旱八月甘露降十一月

檀有華新泰圍中四十四年

成斑八月日光摩有五六日並見正月始滅九月有

蝗十一月孕婦產一巨蛇龍游河四十五年夏有蝗七

月旱連河意宗天啓三年地震六年地震懷宗崇禎

六年大旱七年太白經天十一年大旱饑十二年大旱

飛蝗天大饑十三年大旱大饑大疫民相食十四年

大旱大疫十五年閏正月歲大饑民誣人相食爭用

巡作人形鬻于市城內居民有女化為男十六年冬至

...

...

夜雷大震十七年太白經天

國朝

世祖順治四年東洋大潮衝突海邊人及淹死無算房屋漂沒五年秋旱八年大水九年旱十年大旱十一年夏旱秋澇十四年旱澇十七年大水

康熙元年大風拔樹屋二年四月十六日雨雹大如斗禾麥盡傷壞屋傷人無算三年大荒四年大水七年六月地震十五年大水十六年大水十七年大水地震十八年大旱飛蝗蔽天十九年麥穗兩岐

論曰天文書學者禁不可讀臯揚州之支纏次歷來所言度乖異然弗有所折衷大都其在斗牛之間云垂象示警厥有修救舊矣彼熒惑退舍天道豈遠乎詳異因采可畧也

阜寧縣志卷之二

疆域

畫野分疆錯壤相制負海枕江角犄成勢厥土塗泥魚鹽并濟東漸西被卅揚是隸志疆域

縣治在揚州府東南距府二百九十里距泰州一百六

十里東至掘港巡檢司一百三十里抵海一百六十里

南至泰興縣分界六十里南至石莊巡檢司抵江六十

里西至白蒲場巡檢司三十里抵海九十里東南至白蒲

州八里七十里西北至廟灣泰州分界三十里廣

袤一百七十二里抵京師陸路二千二

十里水路三千五百五里抵江南陸路五百一十  
里水路五百三十五里

形勢

北聯滄海勢壓島彝前控大江氣吞吳會西北受運河  
之委實倚海安為咽喉東南接白蒲之衝尤藉掘港為

肩鑰

鋪遞

急遞舖十一各設官廳郵亭廂屋門垣歲編舖司各三  
共三十三名

標前總舖

丘家莊舖 孫公店舖 葛家溪舖 以上北  
遞泰州

邦溝舖 東陳舖 蔣姿舖 丁堰舖 劉師舖

林梓舖 白蒲舖 以上東南  
遞通州

鄉都

縣統四鄉鄉統十六都都統三十二里其附郭者別為

四廂合置戶六里共四十二里

東廂一里 西廂一里 南廂一里 北廂一里

清泰坊一里 平泰坊一里 以上二里併入四廂內

江寧鄉轄四都為里九

十二都一里 十二都二里 十二都三里

十四都一里 十四都二里 十五都一里  
十五都二里 十五都四里 十六都一里

安定鄉轄都四為里七

九都一里 十七都一里 十七都二里

十七都三里 十九都一里 二十都三里

二十都五里

赤岸鄉轄都四為里七

七都一里 七都二里 七都四里 八都一里

二十一都一里 二十一都二里 二十三都一里

沿海鄉轄都四為里九

一都二里 一都四里 一都十里 三都一里

四都二里 四都三里 六都一里 六都四里

六都六里 以上共計三十六里

街

大平街 縣前 東大街 縣左 西大街 縣右

南大街 北大街 狀元街 縣東

德義街 廣福寺東 錦繡街 縣南 集賢街 儒學東

雲路街 儒學左右東雲路北一半久已閉塞今實生蘇世威清出

巷

驄馬巷 儒學西 曹家巷 秀才巷 即詩家巷 安定巷 安定祠後



通泰巷 靈威觀東

惠政巷 府前

寺巷 廣福寺前

倉巷 即司徒巷

漏春巷

霞山巷

孫家巷

段家巷

王家巷

仇家巷

石家巷

朱衣巷 豐樂橋西貢生丁其錫修

葉神巷

豬市巷 西門裏

青雲坊巷 西門裏

坊

宣化安業二坊 縣左右今廢

平易阜民二坊 縣東今廢

澄清坊 察院前今廢

儒林坊 舊儒學東今廢

八元坊 察院東為宋王俊又立

典賢毓秀二坊 儒學左右

三亭坊 縣西

太和元氣坊 儒學前今廢

崇儒坊 縣南

恩榮奇英二坊 為日鸞立今廢

叢桂坊

進士坊 一為許鵬立一為馬繼祖立今俱廢

青雲坊 為鄧肅立

五桂坊 為王勇許孚張貞劉鑑蔡昇立今廢

凌雲坊 為王奎立

登俊坊 為朱文昌立

光振坊 為宋貴立

世科坊 為孫衷立

文魁坊 為馬繼祖馬紳馬洛立今廢

三世二品坊 為蘇愚立今廢

天朝儀鳳坊 為錢藻為思馬洛立

節孝坊 在南門內為節婦蔣氏孝子許文炳立

翰林吉士坊 為為齋立

貞節坊 一為朱漢雲妻顧氏一為石潤妻許氏立

天官風憲坊 為昌憲宗立

義民坊 為盧禎立

橋

縣治橋

宣化橋

縣南舊名開橋邑人劉士茂素性好施前此出穀賑荒善非一端迺觀此橋圯人多病涉遂矢願獨修捐費三百餘金採石購木刻日告成往來稱便

通江橋

縣東

迎春橋

縣東

安定橋

縣東南

集賢橋

儒學東

雲路橋

儒學左右各一

揚家橋

縣東南

豐樂橋

縣西

謝恩橋

縣西

德義橋

縣西北舊者陳元復重修

震山橋

縣西

紅橋

觀音堂左右各一

慶裕橋

北門外

玉帶橋

城東歲久橋圯邑紳徐宗範鄧士英等具呈請官修建

門外橋

通濟橋

東門外

橋

鄧廷勳建在曹北橋東定惠寺北水勢空濶霖沝參差若涉險涉涉險廣陵丞致細勝樂云

縣境東橋

盧家壩橋

縣東七里

林梓橋

縣東五十里

通濟橋

縣東四十里丁偃

隆興橋

丁偃西舊名鬼橋

登津橋

縣東六十里白蒲

仁和橋

縣東九十里馬塘

迎恩橋

馬塘

嘉定橋

馬塘東

豐利橋

縣東七十里

卞家橋

豐利

包家橋

豐利

安橋

豐利

永豐橋

豐利

永寧橋

豐利

魚骨橋

豐利

歐家橋

豐利

磚橋

縣東一百三十里掘港

東賓橋

掘港

縣境西橋

交橋 縣西三里

鎮安橋 縣西南二十里

窰子橋 縣西一里

倉橋 縣西潘涇舊為便  
民倉今有倉池

縣境南橋

普濟橋 縣西九里

楊花池橋 縣南十八里

木家橋 縣南十九里

大名河橋 縣南三十里

王莊橋 縣南八十里

沿江馬橋

縣境北橋

立發橋 縣北三十里

惠民橋 西場鎮

井

在城中 嘉靖六年縣尹梁喬升鑿縣治左右二舊  
儒學左右二丁孝子祠一平政橋西一關王廟西

一馬神廟內一惠政橋北  
一通江橋一今俱湮塞

潛玉井 醉茶菴前  
味最清勝

二大井 廣福寺前一廿一苦  
大旱不竭居人賴之

霞山井 泰山前水味清  
列人爭取汲

瓊井 圓通菴內  
色如瓊玉

德井 掘港東營內永樂中備倭指揮姚  
麟鑿泉味甘列人共德之故名

潮井 石莊道院內其泉  
隨潮盈縮故名

楊花井 縣南楊花橋行人  
掬飲泉味清勝

度軍井 以下見  
古蹟

丁公井 玉涓井 甘露井

鎮

丁堰鎮 縣東四  
十里

白蒲鎮 縣東南  
七十里

石莊鎮 縣南六  
十里

西場鎮 縣北三  
十里

市

東陳市 縣東二十里 林梓市 縣東南五十里 柴灣市 縣北三十里

莊

王莊 縣南六十里 官莊 縣南二十五里 燕莊 縣西五十里

高明莊 縣西南四十里 蔣家莊 縣南二十五里 南豐莊 縣東南五十里

盧家莊 縣西五十里 鞠家莊 縣四十五里 郎家莊 縣西五十里

鮮魚莊 縣西北二十里 胡家莊 縣南十里 張家莊 縣南二十五里

劉馬莊 縣南十里 龔家莊 縣北三里 何彭莊 縣東北二十里

八里莊 縣北 邵家莊 縣西十里 周宣莊 縣西北

洋莊 縣東六十里 高家莊 縣南三十里 許家莊

韓莊 縣西三十里 夏家莊 朱家莊 縣西北三十里

紀家莊 宋家莊 縣南二十五里 廷家莊 縣西北三十里

楊鮑莊 縣西南五十里 草張莊 縣南二十五里 平田莊

鄧家莊 加力莊 縣西三十里 柳尚莊 縣西二十里

道士莊 審莊 縣西三十里 顧璠石莊 縣西

店

雙店 縣東六十里 沈家店 縣南六十里 謝家店 縣西二十里

石家店 縣東五十里

堡

李家堡 縣西四十五里 賈堡 縣南十五里 馬家堡

夏堡 何家堡 縣西七十里 唐家堡 縣西南七十里

梁

劉家梁

縣西北二十五里

景家梁

縣西北

南梁

縣西北二十五里

坎

鷺坎

南坎

北坎

二坎有唐文皇東征遺跡

埭

三陳埭

縣南七里

丘姚埭

縣西十二里

許家埭

夏家埭

縣西三十八里

柳家埭

縣南六十里

坦

鄔丘坦

縣南五十里

唐家坦

所

丁家所

頭

官制頭

縣西南

古河頭

縣北二十五里

墓頭

縣南二十五里

土山頭

縣西南二十五里

號墩頭

縣南十里

菴頭

縣東南三十里

埠

西沙埠

縣西北七十里

唐家埠

竈

羌竈

縣南五十里

十竈

縣東三十里

切

上切

環

顧家環 縣東九十里

舍

郭家舍 縣南二十里

鞠家舍 縣西北

口

立發口 縣北三十里

高岡口 縣北二十里

九龍口

堰

丁堰 縣東四十里

葛堰 縣東二十里

吳家堰

白蒲堰 縣東南六十里與通州合界

閘

丁堰鎮閘

掘港場閘

白蒲鎮閘

下閘 今改鎮東橋

壩

立發壩 縣北三十里立發河

丁堰壩 縣東四十里丁堰河

盧家壩 縣東五里

叢家壩 縣東七十里

原 園附

下駕原

水竹園 縣西北十五里

論曰余奉

命以撫柔此民也乘間行田野召父老問疾苦窮臯之境而止焉幅幘所漸被廣不過百六七十里斥鹵不

可耕者十四五民半資魚鹽以厚其生嗟乎臯固蕞爾邑哉然試爲之南陟摩訶東涉豐利掘港諸處望江海觀煙雲蒼茫萬里洋洋乎亦巨觀也

山川

奠方敷土艮止坎流河山帶礪克壯遠猷臯多巨津墳起數丘人文炳蔚式歌且游志山川

山

摩訶山

一名蝦蟆山舊志故迤岸距石莊二十里自永樂以來日益湫隘今去岸五十里點黛浮青入望縹緲相傳山多異蛇有僧過之蛇爲分道行因建大聖院其上本縣之南界今江沙南漲水歸北流山竟連蘇州之常熟而摩訶反與如臯隔絕矣

碧霞山

亦名泰山在縣西北附城築土高二丈四尺卽福海禪院也上有元君祠曲水長堤左右環映

幽林曠野迥隔市囂風月嘉晨雅堪延眺

土山

高下不一皆壘土所成一在安定鄉有白馬將軍廟一在豐利場有東嶽行宮一在馬塘

嶺山 亦名車螯山在掘港之直上土人取車螯棄殼海濱累積成山高十餘丈上聳一峰外相環帶望之若浮巒孤嶼出沒雲濤中初

江

揚子江

自西南出泰興界入江寧鄉即為縣境東過天生港入通州界鹽盜出沒捍禦為難故於石莊

特置巡檢司示控過焉舊志江距縣七十里今止六十里漱嚙日廣江寧一鄉蕩析過半嘉靖季年縣尹黎堯勳具詳均派始甦浮禮之困隆萬以來江沙復漲濱江之民築岸成田佃納蘆課然明漲不一未可以為恒產也 邑人余瓚滿江紅詞千里平沙忽到此一派橫截驚駭處瀾漫浩渺粘天翻雪近接海門波愈湧遠連揚子濤尤迭指江南樹影和山光都難別 蘆花外閑鷗歌浪花裏潛蛟掣更涵虛萬狀乍生還滅澗氣晴飛如霧捲消烟畫暝疑虛結笑 胸中傀儡本來多淘猶熱

海

東海

場東自泰州界遶出如臯境歷李家堡豐利馬塘二入通州界過料角嘴乃與江水合流唐大曆中黜陟使

李承式初築捍海堰宋開寶間知泰州王文祐加葺天聖初范仲淹監西溪鹽倉力請發運使張綸鑿石固築長一百四十三里濶三丈高一丈五尺始無海患至今賴之每風潮損堰輒入田為斥鹵北年屢受其害必時加修築乃為永利

河

運河

自漢吳王濞始開邗溝起揚州茱萸灣通海陵及如臯蟠溪其在縣界者北接海安東抵丁堰分流

入海東南止白蒲入通州凡一百一十里自宋迄元中間增置堰閘以資蓄洩為利甚溥歲久法弛日益頽廢一值旱暵稼土咸焦民多苦之昔富安奸宦矣呈巡鹽御史康丕揚奏請開濬竈土日闕河流日梗牙橋之害獨中於臯且臯居通泰間地最危僅此一綫民倚為命牙橋之塞誠臯邑關鍵云 附邑人冒日乾議塞牙橋揭 查得運河自高寶至灣頭分支入閘經泰州至海安



歷如臯通州海門上十鹽場中二鹽場入海此上河也  
 高寶以東泰州海安以北興化鹽城二縣東台富安等  
 中下十鹽場地勢窪下形若釜底衆水所注汪洋停滙  
 此上下河也上河較下河高踰數丈高卑懸殊隔絕不通  
 由灣頭出河之分也上河爲上十等十二鹽場運鹽之路  
 溪河一路由車塚河或至泰州北門過填或至高郵北  
 門過填惟富安一場則間由潤河北門過填或至高郵北  
 過填若上河淺涸仍由安豐至高郵泰州二處過填而  
 安豐各場則絕不至海安此上下河運鹽之路也至於  
 牙橋一河乃元末偽吳張士誠原係白駒場鹽徒竊據  
 安豐運開此河部運私鹽直至通州入江轉鬻吳會此  
 有焦港西有白米鎮港東有孫公舖高港俱南通江每  
 遇水發大艦小艇羣載私鹽悉由牙橋出口逕至三港  
 入江千百成聚莫敢譙呵恐釀亂萌洊至猖獗故塞之  
 又慮其盜決也故填土數里以永絕之此牙橋之所由  
 塞也牙橋之塞雖經二百五十餘年而不逞之徒耽耽  
 私販未嘗一日不欲開先年吳希堯誑告綦院蒙柳責  
 究罪立碑嚴禁近年丁珠復誑康院蒙委勘議而奉委

者未悉源委建議未確遂爾誤開蓋私鹽由各填盤運  
 則譏察有人勢難飛越惟由牙橋出口則乘流潛渡莫  
 爲稽查此各奸所以必欲開此河也牙橋開而上下河  
 通矣上下河通而上下河洩矣一線之源不勝尾閘之注  
 建瓴之勢難施隄防之工故三時雨集始可通行一月  
 不雨其淵立見上河涸而上十等十二場運鹽之路阻  
 矣於是三年兩施挑濬鹽商猶告河淺而不知上河雖  
 濬及泉猶比下河高踰數丈豈能使水停蓄而不涸哉  
 雖一月一濬無益也夫牙橋未開之先上河十餘年一  
 濬而猶淡牙橋既開之後上河三年兩濬而卽淺其故  
 可思矣故私濬滿載四出於水溢之時其害一引鹽壅  
 底坐困於河涸之日其害二挑濬頻數委帑金於無盡  
 之壑其害三此三害者雖政之大蠹皆牙橋爲之也至  
 於民間之害又不止此臯通海三州縣上十等十二鹽  
 場灌溉舟楫咸資上河上河涸則桔槔廢而禾苗立槁  
 爲農害飛輓艱而貿易不通爲商害跋涉苦而竭蹶重  
 跡爲行旅害又如軒輶往來采風考政歲數弭節輒虞  
 舟膠候人惶恐勞費百出至於三地漕儲咸取此道舳  
 艦相卸蹇澀不前展轉繼載茶苦萬狀則又其害之大  
 者夫牙橋一開而入害章章上病國計下厲民生騰萬

口之咨怨伏不測之隱憂奈之何不亟塞也假令牙橋  
 可以不塞則泰州北門不必設有數堤矣海安亦不必  
 有東中西三堤矣泰州之有數堤與海安之有三堤也  
 正以上下河之不可相通也上下河不可相通則泰州  
 海安不可無堤泰州海安不可無堤而牙橋獨可不堤  
 乎况牙橋與海安中堤相距二里而近豈在海安則畏  
 上河之洩故堤之在牙橋獨不畏上河之洩乃開之乎  
 則牙橋之當塞益明矣且富安之告開牙橋也不謂運  
 道之艱乎而富安運道故由濶河直抵海安中堤二百  
 五十餘年未之有改也河名曰濶其濶倍於上河即今  
 水深丈餘芻粟魚菱方舟而載而乃獨艱於運鹽乎又  
 安得以此藉口也即以前牙橋既塞之後為富安計或仍  
 由舊濶河抵中堤舊河有舊河之水故無阻也祇一盤  
 堤耳或即由新開河抵牙橋堤新河之水亦不盤  
 因堤塞而無水也亦祇一盤堤耳若云盤堤不便豈高  
 郵泰州之堤可盤而海安牙橋之堤獨不可盤乎豈安  
 豐東台各場之鹽至泰州高郵者可盤堤而富安之鹽  
 獨不可盤堤乎豈二百五十餘年可盤堤而今日倏不  
 可盤堤乎所未解也矧一盤堤其勞幾何其費幾何省  
 一場盤剝之小費貽三州縣十二場剝膚之近災惑一

時奸宄之邪謀隳二百五十餘年祖宗之遠慮其利害  
 得失固不再計而決矣然而奸宄嘵嘵猶藉口熒上者  
 第以經題請費工力耳不知士民之所苦控者塞堤也  
 非塞河也堤塞而河未嘗不在矣辰原題河在而舟未  
 嘗不行詎虛工費况康院當日之疏原為開河以便鹽  
 運非欲徹堤以通上河也則今日之塞堤又豈為翻案  
 哉竊嘗當事者之於興除也欲便民尤恐病民有苦心  
 原無成心故朝令而夕或更此行而彼報罷決不以一  
 時之誤舉成百世之厲階而况於事非更張情無矛盾  
 者哉唯唯牙橋至為堤塞上遼高皇帝之祖制下解千  
 萬姓之倒懸方過奸宄之私遠彈通江之

附知縣李廷材築壩揭

如臯與通泰海門共一衣帶水  
 自揚州灣頭入口先泰州次如

舉又次通州至海門而盡此一水也四州縣田里之灌  
 溉與漕鹽之運道全賴焉最不可旁有洩者無奈海安  
 一壩被悍寵詭疏而橫決也壩當泰臯交界處泰州之  
 忌忌其下流之斜洩臯通之忌忌其上流之旁奪而總  
 惡此壩為捍障訪之故老僉稱海安向無支流作備於  
 偽吳張士誠云士誠起家場窳謀事不軌故特開此為

航海捷徑自是而場竈販私劇寇揚帆倭奔叛萌禁出  
 而不可禁已自太祖定鼎建議者始請命壩之築土堅  
 厚約可一二里許實有永不許開之禁二百五十年來  
 遵守無異邇以富安場竈設奸瞞聳且前分司力為居  
 間幹旋所有猾胥又作祟焉而遂以誤請疏矣既亦旋  
 覺旋悔而無如汗無容反也至今田里與運道交病士  
 民剝膚歷年號額前府州縣洞悉其苦獨念事須題奏  
 始為小補議建平水石開聊以節其狂流蒙鹽院發銀  
 六十三兩九錢七分五釐委泰臯共董其役伐石鳩工  
 廻瀾低柱濶可丈餘高荷二尺五寸委曲調停意甚苦  
 而力又甚竭矣乃工竣未數月而富安野竈輒以一夕  
 盡之癘聚千人拔屋燎火守者不敢問巡司不敢禁地  
 方不敢拒片石寸土不少憇遺其水勢遂以建瓴橫下  
 而上河立涸矣本縣隨行督築小壩以收勻濶旋築旋  
 挖兩月之內築而復挖者凡三回已無如之何也計所  
 謂為民請命者惟是遵照國初舊制填塞數里乃為長  
 久之策而其要總在題奏倘獲命旨填復故基庶悍  
 不敢肆其憑陵正流常盈漕運鹽艘攸在咸利豈可曾  
 疏濬千萬之費所在田壤斟酌飽滿四州縣其舍嬉而  
 歌帝力者又無量矣是役也蓋四州縣公其之舉而臯

獨尤切者緣秦州於此壩為上流其取潤或可先足通  
 海於此壩為尾道且襟江負海則杞注猶可別借惟如  
 畢介處中央吸勺僅此一水若復旁奪是焦喉之症  
 而枵腹之災也故臯民與悍竈爭命比通泰偏急云

**附知縣李衷純請塞牙橋申文**  
 為懇遵祖制仍閉牙橋以通運河以甦民困事

竊自灣頭鎮由秦州達如臯至通州海門四百餘里僅  
 一線之河以轉輸四州縣漕米載運十二場廩鹽灌溉  
 數百萬田畝流通數百千賈舶緣別無支水故稍稍足  
 用獨牙橋小河係張士誠走險之路國初填塞碑禁可  
 據二百五十年民竈相安別無異議自萬曆三十九年  
 富安奸竈欲行私鹽罔上悞開河水盡洩萬害俱集卑  
 縣曾具申前任按院王蒙批限一月塞報如有奸民敢  
 於阻抗盡法究治第以害在如臯而地在秦州不敢自  
 專尚未舉行頃者鹽院海道東巡士民擁路呼號蒙本  
 院本道俱批送本府蒙本府批送本州奉州業勘議具  
 申復蒙本府批仰卑縣覆議確報深荷再造洪恩出百  
 姓於湯火而登衽席本縣係本州屬縣本縣之民即本  
 州赤子本州建議虛公必不忍偏一場奸竈而禍一縣  
 良民卑職又何敢復議惟是中有秦州分司手本語頗

謬疾而議出沈州判者有公言亦有偏詞卑職不敢嘿  
 嘿以負盛心據秦州分司手本謂通融水利民竈並生  
 下下場與上河水唇齒相依呼吸為應不知石港豐利  
 餘東等十二場屬通如海者為上十場運道由上河由  
 灣頭出開富安豐東臺等七場屬秦州與化者為下  
 十場或由秦潼車塋等河或由秦州北門高郵北門過  
 壩惟富安一場則有澗河四十里至海安中壩過壩此  
 上下運河各現有一定之路祖宗制度不可踰越無非  
 阻其捷徑以防私鹽出沒自牙橋開而下十場之私鹽  
 盡由此出矣且上下河相去數丈乃天地所限必不可  
 通若一相通必致建瓴奔決上流瀉盡今日牙橋之害  
 正坐此患所以必築壩阻隔到處皆然即如秦州北門  
 亦設數壩若謂牙橋可開則何不開秦州北門之壩以  
 資灌溉耶昔也借富安以開牙橋今也借十場以助富  
 安其說愈出而愈支離矣據沈州判回呈謂塞則運河  
 不患淤淺豈惟舉通海三州縣之利亦本州之利又云  
 十場之水未嘗不與富安相通當日富安議開是河灌  
 溉本托詞與販私鹽是本謀如必謂開新河未開之先  
 本場亦何以自立至今哉則議塞亦便此洞晰其事允  
 符公論乃後又變而為塞責家集仍通花家橋之說抑

何自相矛盾也夫山官河開口進之則牙橋此總路也  
 又進之則花家橋分二股東北去為責家集止通富安  
 一場西北去為鳳凰橋則環遶海安之後匯于澗河仍  
 通富安各場者故一塞牙橋則別無旁洩若不塞牙橋  
 姑借塞責家集以謝公論水仍從花家橋西瀉乃且公  
 朝三暮四之術不可以欺三尺童子而敢以欺本州乎  
 此雖沈州判巧立其說答海安私鹽窩園諸家之情據  
 其圖一看其說立破不待辯而自明矣至於塞牙橋雷  
 涵洞以通一線具見本州委曲調停雅意但前者海道  
 熊轉申本縣備陳開牙橋之害蒙鹽院謝批此河之害  
 至于若是法應議塞減水開猶非永久之計且以調停  
 一時耳于是本院給銀於牙橋水日砌石為開閘上加  
 板三塊為啓閉鎖匙掌之本縣心亦苦矣功畢未二三  
 月而富安奸竈沈良等聚眾數百橫販私鹽一夜盡行  
 掘壞當時撫按鹽三臺震怒嚴究雖拿良等九名抵以  
 首名城旦令其砌還前閘餘皆輕縱而中復有護之者  
 至今此案未結閘亦未砌即頃者鹽臺東巡卑縣稟之  
 本州出示暫築十壩以行官助築僅二日海安窩家復  
 行毀去本州亦不敢問竊恐砌閘雷洞不過暫飾目前  
 將來之為沈良者不少徒歲以飽委勘衙官之囊填承

行吏書之壑於三州縣生靈上十二場官鹽無一毫實  
 際也至題雅之說乃滑胥之受厚賄者向每以此阻撓  
 不知此可寒儒怯之膽不可入正直之耳蓋為奸竈而  
 壞祖制者尚且一時悞題豈益地方而復祖制者不可  
 亟疏請正今三臺道府皆天挺名世痼疾民隱抗章上  
 聞特一舉手又何以難焉故此一役也但當權利害論  
 是非不當體恤奸民蓋開則下十場私鹽與海安私固  
 受其利而三州縣百萬生靈與十二場官鹽受其害則  
 則張士誠叛寇私鹽之捷徑為是而高皇帝神明經制  
 以杜後患遺太平者為非此亦何待詞之畢而決哉且  
 痛非剝膚則臯為維揚最下邑士民貧而嗇豈肯自指  
 已資以塞公共之關惟情迫無奈不得不割肉以補瘡  
 卑縣若可別救亦豈樂犯奸民之鋒惟一月不雨河底  
 揚塵時鹽臺本道東巡目擊心傷共為咨嗟今復亢旱  
 舟楫不通枯槁無用賦畝悲怨道路慘急更無別計可  
 施真有頃刻不能待者卑職忝為民父母地方受害如  
 此不能為民請命溺職之罪惶愧欲死伏乞俯念民艱  
 特賜主持亟允本縣自行填塞由水口以至牙橋其路  
 稍長庶奸民不易於開掘不惟三州縣免顛沛之苦十  
 二場官鹽亦不致底滯朝廷尚有紀綱地方幸甚

玉帶河

亦名市河即官河也原行縣治後明式化開知  
 縣胡昂疏縣西南支流經遶治前改名玉帶嘉  
 靖間都御史鄭曉築城濬濠舟皆沿濠而行故城中別  
 為市河萬曆間署篆江都教諭馬晨復濬學宮迤東河  
 格東水關出合運河仍改河流之

龍遊河

亦名九十九灣河舊傳龍過而成形特環曲北  
 岸沙弱善崩時苦艱澀江潮所納未及其半而運河水  
 多南注潰洩亦不可支議者欲於潮水將盡處築一石  
 礎又于河口附城處築一板閘時其蓄泄以資灌溉礎  
 取平水則江潮有容受之區閘取障水則河流無乾涸

鳳翔河

城北歲久漸  
 堙宜亟濬治

毛雉河

縣東南十五里北接  
 運鹽河南通龍遊河

大名河

縣南三十里

闕家河

縣南七

汶河

在豐利場南通  
 運鹽河北抵海

葛堰河

縣東南二十里東通  
 十竈西接運鹽河

黃家河 在豐利場 西通石港

凌河 在丁堰後 通拼捺場

南北塿河 在赤岸鄉南通溪 河北通運鹽河

小溪河 縣西北東接運鹽河西 通泰興縣久淤宜濬

窑子河 縣西通黃蒲溪 一支通芹湖 立發河 縣北三十里北接 運鹽河東抵海

沙

南沙北沙 以上二沙皆屬縣境而隣界豪民時或爭占 往往頻煩案牘所當力持之者

湖

六祥符湖 亦名高陽蕩縣東南六十里西 接運鹽河東通海今已湮塞

芹湖 縣西安定鄉北通溪河西 通泰興今悉化為平川

牟尼湖 縣西通芹湖相傳牟尼寺 蛟化而為湖與潘潭相連

車馬湖 縣東南六十里舊傳范蠡為五湖游浮 舟人齊棄車馬於此故名今有范湖洲

阜

平阜 縣南七十里江寧鄉東西延亘幾六十里 相傳為舊江岸上多林木土肥尤宜五穀

岸

赤岸 縣東南迤南延亘六七十里脈接蜀岡土高色赤 郭璞江賦曰鼓洪濤於赤岸文選注赤岸在廣陵

與縣如阜即漢 與縣故地也

浦岸 縣北五十里東西延袤五十餘里云古海岸 土特高阜舊志產艾相傳孫思邈真人遺種

港

天生港 縣西南通揚子江東通白蒲汶 亦有鹽盜今設石莊巡檢司

掘港 縣東一百三十里西通運鹽河東抵壩此廣陵東 南第一門戶也舊設游兵防汛明嘉靖中倭寇揚

州昔從此入始設守備營寨以示控扼焉

**六貼港** 在掘港場東抵海西抵新團

**新開港** 在豐利場迤北通海

**石莊港** 縣南六十里宋吳濛詩州舍樹色連沙嶼風帶潮聲怒石瓦

**蚶水港** 在豐利場西

**張皂丫港** 在馬塘場南通海北通運鹽河

**許橫港** 在安定鄉北通溪河西通泰興縣

**觀音港** 縣東五里

**土墩港** 縣南二里

**丫凌港** 縣南五里

**高港** 縣北二里

**秀水港** 城西謝恩橋南訛為秀才港今改正

**暇思港** 在縣西南七十里康熙六年奉

封章開看春水波濤瀉瀉辛苦泥塗感時御史進帝力長

**鄭公灘** 在豐利場宋治平二年富鄭公弼以使相判揚州其備海寇戰船每壞於風濤公因鑿灘以泊

之且使軍士習水戰于其中

**雲灘** 在西溪埠南通大江

**抱石灘** 在石莊舊傳浣紗女投江即此

**彭家灘**

**溪**

**瀛溪** 縣治北安定鄉西通泰興縣東接黃浦溪

**黃浦溪** 縣西北西接瀛溪運鹽河其地產蒲

**蟠溪** 古邦溝在赤岸鄉溪灘寬衍中多洲渚灣曲如龍蟠故名西接運鹽河東入海

**葛家溪** 縣西北赤岸鄉西通泰州泰興東入運鹽河

**潘涇** 縣西安定鄉東北接牟尼湖西接芹湖涇上舊有便民倉今尚有池池上有橋清流涇涇不絕

溪

清水溪

在縣城東

宋家溪

潭

審鳥潭

縣東南二十里

瀝

葛浦瀝

縣南九里

溝

邦清

即嶺溪

八尺溝

縣西北八里或曰老庚

張

洋

黃沙洋

在豐利場東北

周家洋

在縣西

蕩

東蕩

縣東一百二十里

季湖蕩

縣北二十五里

花家蕩

淺

陸家淺

縣北三十里

康家淺

灣

柴灣

縣北三十里

湯家灣

縣東十里

施家灣

縣東三十五里

梅花灣

邑人余賓詩發繇亭下往來頻幾曲廻環通遠津獨有梅花消息隱露桃空自占芳春

毛家灣

在掘港西

腰池灣

縣東六十五里

嚴家灣

城西南

史家灣

北門外

池



鳳皇池

城中密子河口自築城後今漸湮沒

三角池

縣西

楊花池

縣南十里

倉池

縣西安定鄉

杜家池

縣西南

玉蓮池

以下見古蹟

連珠池

金孩兒池

施食池

舊廣六畝有梵僧施麵池中後人得魚剖之腹中皆有麵故一名洗鉢池在水繪園之前逸園

之後邑寧州知州冒夢齡放生于中故又名放生池總漕蔡公會駐節于上題其扁曰大地生機李之椿詩月滿池橫古寺邊幾家選勝抱寒烟夜滾處處看如水水上亭開我欲眠

論曰山鎮藪澤兩者相須蓋并著焉臯邑所傳碧霞

碑螯諸槩大率半人力成江海之外陂澤固不可勝

數若立發而下掘港馬塘而上所恃以資枯槩挽鹽

艘者較他河稱最要至如鑿塘引水注渠溉田昔之

人當行之民瘼所關未嘗不流連三致意云

如臯縣志卷之三

城池

設險守國大易所授七里環匝豈曰恃陋參差雉  
立如彼列宿深溝高壘不踰不竇志城池

縣故無城明嘉靖十三年縣尹劉永準始作六門東先  
春西豐樂南宣化北北極東南集賢東北拱辰三十三  
年縣苦倭患邑人李鎮等建議築城巡撫都御史鄭曉  
奏發帑金二萬八千兩築圓城七里凡一千二百九十  
六丈高二丈五尺上濶五丈下濶七丈城門樓四座南  
曰澄江北曰拱極東曰靖海西曰餞日外濠深一丈二

尺廣一十五丈袤三千三百六十丈爲水關二縣尹陳  
雍實董其成初以倭從東入遂閉東水關不啓歲久漸  
淤東城居人不堪桂王之苦議者猶持膠  
柱之論萬曆十年署篆江都教諭馬晨始決筴啓關濬治如故萬曆二十年知縣王以  
蒙築月城二十七年知縣張星加築敵臺二十三座

論曰有地百里置長官貯府庫圖籍其中所關國家  
重甚故弗邑已邑則城與俱然考天下州邑無城間  
亦有之臯自晉義熙間已割廣陵地邑焉歷隋唐吳  
南唐宋元洎明嘉靖始置城六門又閱年二十城乃  
完然則前此數百年皆一望平原竟與村落等豈民  
皆負忠義效死衆心成城者耶不然何設險之遲也

### 公署

奕奕聽事秋肅春溫我心靡由洞開重門焚香靜  
夜定辨朝昏下逮曹屬亦謹藩垣志公署

縣治南唐保大十年重設宋縣令許元建正廳譙門元  
末燬于兵明洪武元年縣尹宗行簡重建十五年縣尹  
周鼎增修永樂二十一年縣尹甘從修正統七年縣尹  
曹立成化十年縣尹蔡彝繼修弘治六年縣尹劉文寵  
改建正堂三間房各一間後堂三間左右廊房各一間  
幕廳三間東西吏司共十二間戒石亭一座儀門三間  
嘉靖十年縣尹吳宗元改建譙樓三間十二年縣尹劉

永準增建修葺書院于後堂之東天啓三年縣尹李衷

純改建門樓三間正堂之脊為三者高而為一并高堂

前之軒而新之崇禎四年縣尹吳弘功重建川堂三間

康熙四年縣尹范承先重修大堂三間二十一年縣尹

盧縱內衙添造瓦房十三間修造內宅舊房四十間二

十二年改造馬房九間

知縣宅一所萬曆四十四年縣尹李廷材增建  
康熙三年縣尹范承先重修大堂

縣丞宅一所今廢

典史宅一所在王簿南

聖諭亭在縣東嘉靖三十年縣尹陳雍建

土地祠三間

鑿駕庫一間天啓三年縣尹李衷純建

火藥庫三間天啓三年縣尹李衷純建

賓館三間康熙二十年縣尹趙弘

旌善亭在縣左今改鄉約所 申明亭在縣右今改馬神廟 獄房一所

察院在縣治東今廢 府館在縣治西北

公署在縣治東即鄭公祠改建今廢 稅課局在縣後久已裁革改為養濟院

陰陽學在縣治東洪武十七年建今廢 醫學在縣治東洪武十七年建今廢

僧會司在廣福寺洪武十五年建 道會司在靈威觀洪武十五年建

巡檢司今廢 一石莊在縣南六十里洪武二年巡檢李敬先建

一西場在縣北三十里洪武二年巡檢趙克已建

一掘港在縣東一百三十里洪武二年巡檢李忠建後移馬塘今廢

一掘港在縣東一百三十里洪武二年巡檢李忠建後移馬塘今廢

一掘港在縣東一百三十里洪武二年巡檢李忠建後移馬塘今廢

鹽課司

一掘港

在縣東一百三十里洪武二十五年大使許梓建

一馬塘

在縣東一百里洪武二十五年大使宋端建

二豐利

在縣東北一百一十里洪武二十五年大使程若愚建

皇華亭

在北門外縣尹盧縝重修

鄉約所

舊在廣福寺門左

兌軍倉

在縣治西北嘉靖十二年縣尹劉永準建今改名軍儲

預備倉

在縣治西北嘉靖十九年縣尹黎堯勳建康熙二十一年縣尹盧縝重修西廡

社倉

在馬神廟後今廢

常平倉

今廢

便民倉

東在丁堰西在潘涇南在石莊北在西北今廢

演武場

在西門外有廳三間轅門一座

養濟院

在縣後即舊稅課局改設

論曰邑之大小異事之

簡殊然則張官且解高是

下臨固一也嗟乎殫民之財與力為之勤樸斲塗墉

獲豈為是苦我哉而躋斯堂者不盡羔羊朋酒流池

大半皆貝錦無情牽率老弱以至于此區民盡無良

諒亦有司不德實甚閉閣思過之風固予所嘉賴欣

慕云

如皋縣志卷之三終

如臯縣志卷之四

古蹟

山川鍾秀草木爭妍積厚流光地以人傳登高眺  
遠陵易谷遷證據簡冊於萬斯年志古蹟

舊志云如臯在馬塘河為春秋時賈大夫故邑東陳鎮

有賈大夫墓并賈公廟明嘉靖中毀其祠以證傳會  
之訛後神屢顯靈異土人復建

鄖即今立發地古名發陽春秋魯衛宋會于鄖杜注在

廣陵海陵東南舊有發繇亭丁鵬詩發繇亭畔路傳  
是古鄖封宋衛會茲會魚鹽久上供石橋孤咽水海  
微靜傳烽今昔殊多感嚴關又幾重

會盟原縣東十里相傳吳楚會于邗溝即蟠溪地今有

邗溝鋪吳王夫差將北伐齊先于邗江築城開

溝東北通射陽西北至末口江淮之水自此始通此一邦溝也漢吳王濞自茱萸灣開邦溝通海陵倉達

金鹵亭

南唐徐復建復治海陵鹽政檢烹煉之亭曰金鹵其兄履時掌建陽茶局聞之潔敞煅舍亦命

范公堤

即捍海堰在縣東北境唐大曆中黜陟使李承式勅築宋天聖三年范仲淹監西溪鹽會建議

發運使張綸奏請修復踰年堰成高一丈五尺濶三丈綿亘海上隱隱如長城後人立祠祀公因名爲范公堤邑人高宗本捍海堰記揚州東南去五百餘里入海門地界至料角嘴爲江海相會之處海水自料角嘴蜿蜒亘西北直抵淮安之鹽城蓋七百餘里呂四餘東拼茶角斜等場鹽課司皆隸焉各場海水日夜相盪摩故土多鹹鹵前代皆築堰捍海外以禦鹹鹵內以養田苗唐大曆中黜陟使李承式任江南節度判官自鹽城築堰直抵海陵綿亘兩州南唐李昇與宋開寶中泰州刺史王文皆嘗修築至天聖初泰

川刺史張綸專圖修復時范仲淹監西溪鹽倉悉力助之謂當移捍海勢而西庶避其衝仍壘石以固其外延袤迤邐如坡形焉不與水爭雖洪濤巨浪不能奔激堰成于五年之春長一百四十三里零一百三十六丈仍置海陵兵專防罅漏後民蒙其利三州皆立張范祠然功多出于仲淹故人皆以范公堤名之後海門尹沈興宗通州守狄遵如臯尹魏甫元興化尹詹士龍亦皆修築惟呂四一場當洪武二十三年七月內海潮汎漲海堰崩壞場民被水而死者三萬餘人海門縣官以疏聞起倩蘇松淮揚四府人夫修築永樂九年漕運總兵官平江伯陳公瑄起倩淮揚二府人夫又重築焉成化二年七月內及成化七年九月內兩度海潮衝激海堰復壞其缺口七十二處計一千一百八十餘丈及餘東掘港等處亦有衝壞缺口未修民甚苦之成化十三年巡鹽侍御咸寧雍公泰按臨竈民舉以爲言雍公慨然以爲已任且謀之巡撫都御史豐城李公裕李公亦躍然行之無疑雍公乃設法備糗糧于要害之處起倩沿海民夫兼各場竈丁凡數千人經始於呂四場以達於餘東掘港等處衝決之甚者仍委運司副使洛南柴公秀武

林金公鼎備禦指揮任公恭協率千戶王舜臣呂四  
場大使東平劉英餘東場義官張玘量缺口小大計  
工程久近夫役多寡而各任其責焉以  
是歲八月刻日起工蓋逾月而堰成

隱玉齋

在中禪寺宋丞相曾文昭公肇隨父易占任讀  
書寺中置齋名隱玉紹興間守泰州鐫石送齋  
中元未毀呂克孝詩豹霧當年隱鴻飛  
此日傳惟餘舊苔逕猶自護蒼烟

狀元陂

縣西北十里狀元王俊義讀書處寬四畝餘冬  
夏水嘗不涸今無考

澄心堂

無考丁天錫詩高館含秋溪水平白雲一榻臨  
空清雲影天光入懷抱玉樓銀闕無人行滔滔  
活水源頭落卻笑奔流爭萬壑雪照梅簷坐月明露  
瀉荷盤見魚躍長安車馬多富見汗流洽背塵滿衣

誰識君心有真樂  
沙頭白鳥澹忘機

靜娛齋

在窳子河宋孝子丁天錫讀書處  
相傳東畢十景有窳子書聲

芙蓉園

縣南一里宋史聲奉其父逸叟居此內有方池  
臺列植芙蓉萬本秋容最盛今廢呂克孝詩

共說芙蓉好芙蓉在何許  
落日映明霞殘紅浸霜漱

丞相原

縣南十八里宋家橋西宋丞相又天祥航海經  
此借宿田家因名今為隱士今日麗瑩域

萬花園

縣東三里元淮南王世  
于別墅今為冑氏瑩域

萬竹軒

許則柴灣別業為水竹最勝處則嘗臨流置軒  
環以琅玕萬箇名流多賦咏之蕭時中詩閒居

種竹愛清幽高興惟君識子猷萬壑曉風蒼雪亂滿  
林烟雨翠雲稠酒醒應是瀟湘夜夢斷渾疑嶰谷秋  
自歎往來江海杖藜何日到林丘許鵬詩野水西

頭數畝寬森森玉列幾千竿酒醒靜捲半簾翠詩就  
清吟一徑寒萬籟聲中鳴雜佩素娥影裏舞青鸞子

猷心事朝朝在育約何年得解官

石谿草堂

教授嚴怡歸老所築怡貧無屋廬皆借宅而  
居自命曰流萍丈室晚而曳裾王門納祿返

耕黎尹堯勳雅重之時奏丈浮田遺以數頃辭弗受  
移守秦州徽縣以廢馬廠一區特為營宅始作草堂

三間藏書  
萬餘卷



會心堂

布衣許鳳翔業鳳游王心齋門講餘姚良知之學築堂以延同學士劉尹一中扁曰會心慈谿

古杏

舊東嶽廟前銀杏二株圍可二丈餘並聳干雲左一樹尤偉元兵初下王者欲伐為薪鋸之有紅汁迸溢驚以為神遂止嘉靖中廟改學宮二杏猶存今為大風所拔無餘葉矣燕莊一杏大可百圍四遠望之亭亭如車蓋每當風雨振撼疑度深谿大壑中人皆胎聘殆數百年物也尚存無恙

古棟

在江濱埜田中土人呼為黃棟高下過丈許而週匝可布十肱從地拔起色類精鐵望之如百千怪石磊岬嶮嶒視之莫辯其為植木也綴以老幹虬枝拳曲天矯而枯瘦削立又絕似坡公筆意野人相傳有神宅焉樵牧皆不敢迫必千年物也呂克孝詩愧翁醉墨愧坡翁無計移根著眼中欹枕日斜秋夢穩清誰添我樹枝東

古樸

一在龍游河邑人肩囊結巢其上以居因號巢民一在縣南蘇家莊相傳為元時物

古桑

一在縣北十三里港沈一鳳祖塋一在縣南左家莊土人祈年禱之輒應蓋以為神樹云

皂莢樹

在縣北入里官河崖老幹扶疎垂陰可數畝許行人憩息其下輒不忍去

勝槩

江樓月色

樓矗立城皋之上名曰望江志形勝也乘夜登之素月澄空碧天無際遠眺郊原烟光露影與天上下回眺城中萬屋參差果是玻璃碧浸身在斗牛之墟矣

定慧鐘聲

寺乃臯邑古刹最為莊嚴柝檀丈六貝葉千細已稱希有其鐘聲之清越尤可遠聞三十里西竺僧伽往往飯心頂禮以為化城之寶器震旦之宏音晨昏靜聽更覺發人深省

白蒲暮雨

距縣七十里有燕尾河溪曲如環烟雨空濛村舍掩扉一望迷離真莫辨天際帆檣也

赤岸朝霞

臯南際江濱赤岸綿亘數百里如虬龍偃伏蓋與蜀岡同奠麗焉海隅日出東望扶桑混茫一氣洪波赤浪激射天扉霞光錦爛奪目播精真不減層城十二煜煜熊熊不禁有蓬萊赤水之恩

碧霞霽雪

碧霞山在治東北地多林園臺榭之勝阜人  
士之遊覽者以茲為最時際隆冬千林搖落  
老樹杈枒寒溪凍嶺瀾漫積雪至朝霽初開  
澗丹檻朱樓隱透于斷瓊碎玉之間真是天  
開圖畫  
人奚囊

海月晴雲

城西海月寺清溪環繞朱橋橫亘蓋境治之  
僻地也若于天晴氣朗之時命小舫搖入風  
風池畔坐赤欄杆上極目長空浮雲駿健如  
奇峰怪  
不飄渺大際令人心日俱快

沙田秋穫

沙在縣南境平原沃壤鵬目數十里富秋穫  
時阡陌相連青黃間出築場熟木熙熙往來  
不絕如縷而露積星飲人  
慶茨梁差有幽風遺意

掘港春潮

春日艷陽桃花水泛登范公堤上茫茫萬頃  
怒濤奔浪煙雲出沒不可端倪誠巨觀也  
離城三十里湖波明淨兩岸蘆花似雪時有  
鳥雁翔集其中或飲或啄歷歷如畫

芹湖鳧雁

在縣治西名黃蒲溪四面皆水人家多植芰  
荷綠水紅蓮清芬襲人殊有錦帆銷夏之致

宮室

望江樓

縣東南派上嘉靖中知縣童蒙吉築祀文呂神  
名曰文昌而望江之名最著歲久盡圯知縣李  
廷材移築稍前平臨雉堞四望空徹日境加寬遂為  
登臨勝地呂克孝詩層城高閣倚雲開楚水吳山入  
望來江樹遠連桑柘影海蟾平墜醪醑杯坐看飛鳥  
衝煙起晚集漁舟載網回睥睨匣中龍劍在苾寒猶  
自燭三台康熙二十二年縣尹盧綬重修

靜軒

薛倫隱居讀書之所會稽楊維禎詩閑居豈無志  
窮通匪由人經營別野廬聊與麋鹿隣河流激清  
響槐栢得其真臯蘭似為佩溪芹或前陳笑歌極良  
賞庶足娛心神

瑞竹樓

李新泰上林園居枯竹成枝故題屠隆詩賢侯  
一夕賦丘樊解組歸來三徑存自愛篔簹生有  
節還同芝草出無根數竿便擬瀟湘浦萬箇何論淇  
澳園夜夜月明吹鳳下年年春雨長龍孫今歸知縣  
鄧士英改

為別業

瀟湘館

李士伯白蒲別業居隆詩翳然臨水萬瑯玕颯

聲珊柯亭春老裁為遂魚艇春深選作竿高館冷冷

青欲滴王孫相映竹皮冠陸君弼詩篔簹千箇照波

明魚鳥依依物外情與卽子猷應問主居如張廡好

藏名開樽忽送寒漪淨散帙時吹夕籟清他日東來

從把臂知君未負入林盟

代諼齋

石養靜藏書處王穉登詩不言門外事一室自

悠悠散帙當蠲忿銜杯代解憂草非堂北樹仙

但枕中遊我自從君達胡為空白頭陸君弼詩聞爾

書為圃歸來足卧遊應憐鄰侯繹可忘嵇生憂茗椀

留僧適松窗聽鳥幽思君衣帶水何日同方洲柳應

芳詩半畝齋居靜圖書富鄰侯繹囊分月時細帙帶

雲流千古思如見三冬夢亦遊此中有真樂何必樹

園林

忘憂

二瑞園

在迎春橋南新泰令李上林築臨流結屋綠樹

千章曲榭層樓危峯竦立主人懸弧在仲冬時

登入襄牡丹吐專以為上瑞先是曾有竹枝之異因

名三瑞令嗣在株以株連鈞道舊時亭榭盡有龍蟠

水繪園

在中興伏海之介文學月一貫別業也舊志云

地富水竹支經節緯不假人工而澄波漾綺喬

木參雲清霄梵頃時從木杪飛來故是邑中第一勝

地所乏者點綴一二亭榭耳今為族子襄柄隱處易

名曰卷為之理慶山疏亂水而山岬然以高水滄然

以連而層樓危閣復嶼迴溪復宵折疏越以幽深天

閣圖書似非荆關筆墨所能繪者而水繪之名遂為

當代名流所詭美藩憲丁公題其扁曰如舉曾巢民

先生世隱處其小序曰如舉鄉賢率直公與其令嗣

特薦躬耕養親至九十懸車歸隱逸園長孫司李襄四辭

爵云王氏百餘年物余為葺理于逸園之傍是為水繪園

題云王之富多干玉山金粟云余以簿書之暇携琴以

遊聽視靜遠而莫知其所窮至人且不以俗吏麾置

遊園 在中禪寺左會昌令冒夢齡所構采孫襄刻公像

樓集 在城南門外龍游河上司理冒襄所築古樓臨河

因樹名巢因巢為字號曰巢民兵燹之餘惟視老幹

橫斜半拖水際曩日花亭月榭都作葛蔓藤老無恙

禁盛衰之感云 明太學余元美所築中有包壯行趙定光諸名

壘領園 流題咏其十四景詩摹勒于石蓋邑之勝地云

今歸 范氏

小西園 在霞山前為明經 范大士讀書處

露香園 福清令張勉學別業呂克孝詩雲深迷水竹池

潤鳥韻雜風和為認前路扶 節許雨過今歸范氏改育嬰堂

蟄存深處 縣南十五里楊花池之東余墳讀書處

亦園 在中禪寺左隱于余曰 松環繞山堂臨池小閣盡心

又鑿池建室遍植芙蓉以相 映帶教子國霖讀書其中

霞起園 在城東南隅為鄧傑人廷 參差竹木蒼蔚可備游觀有

城百雉東望朝霞蔚起極 光景之勝故名其園云

城南草堂 去儒學前數十武為許邦 楚楚頗有幽致

西園 在海月寺後明鴻臚典客范志易所築課子廷瑞

歷官時有懷園詩云城西一片地久係荒涼土方廣

十畝餘棄置無人取我見曠且幽去家近百武誅席

構數椽有廊併有廡桃李傍水栽榆柳植無數羣卉

頗充斥脩篁欲飛舞幽禽鳴樹巔遊魚躍淺浦小橋

通前溜編竹為環堵春水便操舟長日堪揮塵宜月

亦宜雪可晴亦可雨兩兒居其中讀書學閉戶我時

策短策來伴斯園至攜尊邀良朋逸興為之鼓日涉

已成趣樂此無所苦何為客京華此景了不睹役役

混塵市僕僕謁官府佳節正重陽登臨人傍午緬懷  
故園秋光景實堪講黃花想已開芙蓉知盡吐家人  
共歡聚笑我干圭組圭組我何心終當學老圃後已  
已秋至主人六袞園中忽產靈芝有律誌異云露下秋  
涼楓葉丹忽從籬下得奇觀緣知和氣蒸幽谷遂致  
靈根出畫欄乍見渾如雲滿地持來却似錦為盤天  
生此物真非偶把酒呼兒且盡歡合觀二詩則園中  
之佳况勝藥了然記目間矣

淇園

在北水關內岳州府別駕沙鍾珍所築課子漢傳  
園各係宗伯沈荃題修撰馬世俊題其堂曰挹泓

蔡啟傳題其亭曰次岳詞林儲振題其樓曰百尺星  
槎觀察目起宗顏其軒曰欣賞兼贈聯曰雲涵百雉  
空中吐月駕雙虹望裡飛外翰許納陛贈有詩賦三  
面清流金魚游泳山石嵯峩花樹蔚翳堪稱勝集

論曰嗟乎名實顯微之際難言哉荒烟翳草甲第高  
門或四顧而盱一過而掉臂何歎豈世所託為不朽  
者顧自有在耶余志古蹟不禁輟筆三嘆云

風俗

南北剛柔惟地所使習久俱化賢愚同軌反樸歸  
淳循良是以爰採方謠聿陳太史志風俗

臯瀕江控海在昔民多樸野不事商賈其性馴柔畏法  
而耻罪徵科易集訟獄希簡東北之民業魚鹽者過  
半西南之俗力耕稼以資生士讀書循理尊賢而尚  
齒冠昏喪祭禮尚儉約循乎有太古之風明嘉靖以  
來耳目漸蕩獄訟繁興重以倭彝之變水旱頻仍科  
差日重盜賊時有民不堪命啓禎間縣尹李衷純吳  
弘功高名衡名賢輩出力挽頽風謹隄防時蓄洩教

紡織勸耕桑禁賭博以塞不肖之源戢置鍤以作善  
良之氣皆所以開本業正風尚由是臯俗一返於正  
清興之初兵威未震不逞之徒乘機竊發大軍繼以凶  
年殘殺之餘而曩昔忠厚淳樸之風蕩然矣三韓陳  
秉彝中州李振奇以清介之操挾通敏之才歷任久  
遠猶未盡去澆漓矧余弁鄙詎輕言上理然而物極  
則返化久而成余固不無厚望云

冠服冠裳之分所以辨等威別貴賤

子無不曳雲錦珥純貂競華鬪

婦女亦輕紗薄縠玉絡珠嬰

擔石半菽不充語云服之不衷身之災也尚其亟挽  
奢靡毋自取災身之咎

昏姻六禮之詔肇自古昔臯昔謹守弗替惟親迎之禮  
或行或否卽親迎亦不奠雁御輪殊爲未備婦至合  
盃而醕共牢而食三日廟見然後謁舅姑于中饋視  
膳問寢無弗如禮但俗尚侈靡人家多以貧乏男女  
愆期世者鬻產貸金以致貽累男女終身窮約實爲  
可憫庶或改之自士君子始

喪祭臯邑喪禮士大夫家多用考亭家禮雖未詳備亦  
井井有條獨大小斂制迥殊丘壠封樹隨力厚薄絕

無水葬火化一事貧民亦得坏土此亦俗之一厚也  
祭惟縉紳大族始有家廟餘則寢堂奉祀但惑于浮  
屠多作佛事靡費金錢又惑形家言選地擇時恣談  
禍福龍沙向背之說起而親喪久滯魂魄不安彌天  
之罪有莫贖者矣愚氓不足訓惟士君子幸留意焉  
宴會酒以合歡賓主百拜聖人非故爲其迂亦以酒之  
流生禍也近時竟以酒爲訟苛求酷禁若桎梏然是  
則獄訟已興於几席遑問其流哉至鬪盛競華費用  
不貲昔時故嘗有之今則崇簡約無復曩風矣

歲時元旦五鼓起拜天地焚天官賜福牌拜家堂祖先  
畢徧謁親隣賀新禧晚聚男女老幼共坐飲椒柏酒  
是日不計火不汲水不掃地元旦後遞相邀飲白乳  
六帖所謂傳生酒也

立春前一日官僚迎春東郊市戶各制綵亭伶人錦服  
前導坊妓飾爲毛女苾神土牛無異他處惟綵亭獨  
爲奇巧騰馬縣車憑空結撰珠光耀日繡綵凌雲都  
不知其端倪是日用盤貯生蘿葡萄食之卽唐人食生  
菜意杜詩春日春盤細生菜

人日婦女剪綵爲人或爲燕雀相餽遺以爲鬢髻之飾  
王沂公詩綵燕迎春入鬢飛

元宵自十三夜張燈至十八夜止街市縛棚挂綵懸諸  
色名燈鬪奇爭麗擊鼓鳴鐃流星火樹市肆雜逐老  
幼喧闐家製米元將以黃柑相餉亦猶昔人傳柑遺  
意女伴相攜出行爭拾雲路橋磚歸爲得子兆今更  
訛至集賢橋名曰走三橋月內婦女于廁旁請紫姑  
卜休咎以爲嬉戲是月新昏者不空牀恐招不祥

花朝二月十二日一日十五日天中記名撲蝶會好事  
者多置酒園亭或嬉遊郊外常以是日陰晴卜果實  
繁稀

清明祀先展墓與他處畧同婦女藉爲踏青之遊多持

### 花柳鬢旁以歸

社無定日春秋二社城市不甚矜尚村人咸賽土神以  
祈年穀鄴侯家傳是日以猪肉雜調和鋪飯上名曰  
社飯舉俗尤喜爲之不特社日也

### 歌以紀其事

四月初八爲浴佛日婦女多遊尼菴爲會

端午人家以角黍相餉兒女佩丹符繫五色絲曰長命

縷亦曰續命絲用菖蒲雄黃泛酒以辟惡爭採葵榴

剪繭爲虎銜以艾葉名曰艾虎婦人以為鬢飾章簡



公詩花陰轉午清風細玉燕釵頭艾虎輕是日採澤  
蘭煎湯沐浴昔人所謂浴蘭湯者卽澤蘭

六月六日曝衣曬書

立秋浴食瓜

七夕見女作穿針會以瓜果陳設中庭乞巧天孫十五  
日爲中元節浮屠家設盂蘭會人咸祀先薦新

中秋夜設瓜果餅餌祀月兒女羅拜作月餅相餉好事  
家亦飾燈船設雅座玉簫金管清謳達旦如白下秦  
淮故事

九月俗有糕糖相饋市肆剪綵爲小旗插糕上供兒童  
之戲或具酒餚攜知交登高眺遠採萸菊泛酒

十月朔家各祀先展墓如清明儀

冬至前一夕設牲醴享神祀先昔時至日民間罷市相  
賀近惟官僚放假一日

臘八日復作佛會以諸果煮粥

除夜先是廿四夜用餠餅紅豆飯祀竈名曰送竈除夕  
復然名曰接竈大攤旁礫換春聯門神放紙礮藝松  
盆圍爐飲酒歡聚達旦謂之守歲亦曰分歲前數日  
婦女以花勝果餌相遺名曰饋節

澆習好造言生謗不辨真實好匿名揭帖污穢良善尊

富卑貧輕師慢道以健訟爲能以循良爲迂愚氓之家尚巫信鬼紈袴之子遊手好閒此近今之惡習願言改之庶幾返淳敦簡以登麗古

論曰嘗讀季札觀樂傳所論次十五國風甚詳及入其國或不然豈今之俗不盡如古所云耶以臯音之淳樸若彼後之澆漓若此賢令尹屢經漸靡卒不克盡返於舊何古今之不相及哉蓋移易固若斯之難也

如臯縣志卷之四終

